

Mga Permit sa Seattle

—bahagi ng isang series ng maraming departamento patungkol sa mga serbisyo at pagbibigay ng permit ng Lungsod

Pagdekomisyon sa Mga Tangkeng Pang-init ng Langis sa Mga Tahanan

Na-update noong Oktubre 2021

Inaatas ng Seksyon 5704.2.13 ng Lipon ng Mga Batas sa Sunog (Fire Code) ng Seattle na tanggalin sa sahig o sa abandunadong lugar ang mga tangke at tubo ng mga tangkeng pang-init ng langis na hindi na nagagamit sa loob ng isang taon o higit pa.

Inaatas din ng Seksyon 105.6.18 ng Lipon ng Mga Batas sa Sunog ng Seattle na kumuha ng permit para tanggalin, abandunahin, pansamantalang hindi gamitin o kaya ay itapon ang isang tangkeng pang-init ng langis.

Mga Permit—Proseso at Gastusin

Bago idekomisyon ang bawat tangkeng pang-init ng langis na nasa ilalim ng lupa, dapat kumuha ng Lipon ng Mga Batas sa Permit 6103—Pagdekomisyon sa Tangkeng Pang-init ng Langis sa Mga Tahanan (Residential Heating Oil Tank Decommissioning) mula sa Seattle Fire Department. Ibinibigay ang mga permit sa tao o kontraktor na nagsasagawa ng trabaho, ayon sa isinaad sa aplikasyon ng permit. Hindi ibinibigay ang mga permit sa may-ari ng ari-arian, maliban kung ang taong iyon ay sertipikadong tagapag-dekomisyon at siya ang nagsasagawa ng trabaho.

[I-download ang mga form ng aplikasyon](#) at mag-email sa permits@seattle.gov pagkatapos ay magbayad gamit ang [credit card online](#). O kaya ay ipadala ang mga nasagutang aplikasyon kasama ang inyong tsekeng nakapangalan sa "City of Seattle" sa:

Seattle Fire Department
Fire Prevention Division - Permits
220 Third Avenue South, 2nd Floor
Seattle, WA 98104-2608

Ang mga nasagutang aplikasyon para sa permit ay

ipoproceso, tatatakan ng *Inaprubahan para Iproseso (Approved to Proceed)* at ibabalik sa aplikante kasama ang Form ng Pag-ulat sa Pagdekomisyon sa Tangkeng Pang-init ng Langis (Heating Oil Tank Decommissioning Report Form).

PAALALA: Walang ibibigay na permit matapos maisagawa ang pagdekomisyon sa tangke. Hindi maaaring simulan ang trabaho hangga't walang natatanggap ang aplikante na aplikasyon para sa permit mula sa Fire Department na natatakan ng *Inaprubahan para Iproseso (Approved to Proceed)*.

Mga Inaatas ng Lipon ng Mga Batas sa Sunog ng Seattle

Hindi maaaring simulan ang pagdekomisyon hangga't walang natatanggap ang aplikante na aplikasyon para sa permit na natatakan ng *Inaprubahan para Iproseso*. Ang pagdekomisyon - ay dapat isagawa, o direktang pangasiwaan, ng isang indibiduwal na sertipikado ng International Code Council (ICC) bilang tagapag-dekomisyon ng tangkeng imbakan sa ilalim ng lupa (underground storage tank o UST).

Dapat magsumite ng kopya ng kasalukuyang certificate ng ICC ang indibiduwal sa Seattle Fire Department. Ang sertipikadong tagapag-dekomisyon ng ICC -ay dapat na nasa lokasyon ng tangke sa kabuuan ng operasyon sa pagdekomisyon. Ang kinakailangang ito- ay nalalapat sa pagtanggap at pag-abanduna ng -tangkeng.

Ang pagtanggap at pag-abanduna sa isang lugar ay mga paraan ng pagdekomisyon para sa mga layunin ng Lipon ng Mga Batas sa Sunog ng Seattle. Kung pipiliin ang pag-abanduna sa isang lugar bilang paraan ng pagdekomisyon, dapat punuin ang tangke ng solidong materyal (hal. buhangin, concrete slurry, foam, atbp.). Kapag nag-aabanduna ng tangke sa isang lugar, dapat na hugasan at banlawan nang tatlong beses ang loob ng tangke para walang maiwang produkto at putik hangga't maaari. Dapat suriin nang mabuti ng mga aplikante ang mga mapapakinabangan nila sa kanilang mga pagpipilian bago



pumili ng paraan ng pagdekomisyon. Ang mga tangkeng pinaghihinalaang tumatagas ay dapat na alisin sa sahig sa halip na abandunahin. Hindi mahuhulaan ng Seattle Fire Department, at hindi susubukang hulaan, kung anong mga regulasyon sa hinaharap ang maaaring mag-atas ng mga tangkeng inabanduna sa ilalim ng kasalukuyang alituntunin. Ang isang tangkeng inabanduna ngayon ay maaaring kailangang tanggalin kalaunan nang may dagdag na gastusin at posibleng panganib.

The Seattle Fire Department *Heating Oil Tank Ang Form sa Pag-ulat ng Pagdekomisyon (Decommissioning Report Form)* kasama ng inaprubahang permit ay dapat na sagutan ng tagapag-dekomisyon ng Tangkeng Imbakan sa Ilalim ng Lupa (UST) na sertipikado ng ICC -na nagsasagawa o nangangasiwa sa trabaho. Ang form na ito ay dapat na ibalik sa Fire Department ng sertipikadong tagapag-dekomisyon ng ICC sa loob ng 30 araw matapos ang pagdekomisyon.

Para madokumento ang pagdekomisyon ng tangke, dapat magtabi ang may-ari ng ari-arian ng kopya ng *Form sa Pag-ulat ng Pagdekomisyon sa Tangke (Tank Decommissioning Report Form)* at ng aplikasyon para sa permit na natatakan ng *Inaprubahan para Iproseso*, pati na rin ang lahat ng resibo, sertipikasyon at mga nakasulat na materyal na nauugnay sa proyekto.

Hindi inaatas sa Lipon ng Mga Batas sa Sunog ng Seattle na magsumite ng plano ng site o na kumuha ng mga sampol ng lupa. Gayunpaman, ang may-ari ng ari-arian o ang tagapagpatakbo ay maaaring may iba pang mga obligasyon, kasama ang, pero hindi limitado sa mga kinakailangan sa pagkatapon o pagtagas at paglilinis sa ilalim ng mga batas na pangkapaligiran o iba pang batas bukod sa Lipon ng Mga Batas sa Sunog ng Seattle. Halimbawa, kung tumagas ang isang tangke, ang Washington State Department of Ecology ay may mga inaatas sa pag-uulat- batay sa lawak ng kontaminasyong nakita. Makakaugnayan ang Northwest Regional Office of the Department of Ecology sa (425) 649-7000. Walang ibinibigay na paghahayag ang Seattle Fire Department tungkol sa pagpapatupad ng anupamang batas, at responsibilidad ng may-ari ng ari-arian o tagapagpatakbo na tukuyin kung anong mga batas ang nalalapat sa isang indibiduwal na kaso.

PAALALA: Responsibilidad ng tagapag-dekomisyon na sertipikado ng ICC na nagsasagawa o nangangasiwa sa pagdekomisyon na magbigay ng kopya ng *Form sa Pag-ulat sa Pagdekomisyon ng Tangkeng Pang-init ng Langis (Heating Oil Tank Decommissioning Report Form)* sa may-ari ng property sa

loob ng 30 araw matapos ang pagdekomisyon. Ang aplikante ng permit ay dapat na magbigay sa may-ari ng ari-arian ng kopya ng permit na natatakan ng *Inaprubahan para Iproseso*.

Sertipikasyon ng International Code Council

Para sa higit pang impormasyon at/o para makatanggap ng aplikasyon para maging Sertipikadong Tagapag-dekomisyon ng UST ng ICC, makipag-ugnayan sa Certification Department ng ICC sa 1-888-ICC-SAFE (422-7233) o sa www.iccsafe.org. Magbibigay ang ICC ng can-didate bulletin na nagbibigay ng mga detalye sa paghahanda sa eksaminasyon, pagsagot sa eksaminasyon, at pagkuha ng iyong certificate.